



TATALO FAATINO

Lesona 7 mo Me 16, 2026

“Le nuu e, ia
outou faatuatua
ia te ia i aso
uma; ia outou
momoli atu o
outou loto i ona
luma; o lo tatou
malu o le Atua
lea. Selā.”


(Salamo 62:8, SOV)



Ua apoapoa'i mai Paulo ia "tatalo pea lava pea" (Efe 6:18), tusa lava pe malepelepe lo tatou lalolagi; pe mavae se taimi e le vaaia ni tali o a tatou tatalo.

I tulaga faapenei, o le a fesoasoani ma faamalosiaina ai i tatou e tatalo a Elia ma Hana.

Ae e fa'apefea ona tatou tatalo? O a mea e tatau ona ole atu ai? Pe tatau ona tatou tatalo na o i tatou pe fa'atasi ma isi? Pe na'o le tatalo e mafai ai ona tatou talanoa atu i le Atua, pe e mafai ai fo'i ona tatou fa'alogo ia te Ia?



- **Tatalo i taimi o faigata:**
 - ▶ **Elia:** Tatalo i le lotolotoi o faigata
 - ▶ **Hana:** O le tali e le oo mai lava
- **Faataitaiga o tatalo:**
 - ▶ **Iesu:** O le anotusi to le tatalo
 - ▶ **Tanielu:** O le fausaga o le tatalo
- **Fesili e fa e faatatau i le tatalo**



TATALO I TAIMI
FAIGATA

ELIA: TATALO AO FEAGAI MA LUIGA


“Ona fai atu lea o ia, Ua ou matua maelega a'u ona o Ieova le Atua o 'au, auā ua tuua e le fanauga a Isaraelu lau feagaiga, ua latou sōloia i lalo ou fata faitaulaga, ua fasiotia foi e i latou au perofeta i le pelu, ua toe na o a'u lava; ua latou fia fasioti foi ia te au.” (1 Tupu 19:10)



Faapefea ona tali mai le Atua ao tatou fegai ma faafitauli?

Se tatalo faigofie lava a Elia, ae tali vave mai le Atua ma le afi (1 Tupu 18:36-38).

Faafitu na tatalo mo se timu, auina mai e le Atua se tamai ao na suia i se afa tele (1 Tupu 18:42-45).



Ina ua tatalo Elia ia oti, sa filemu pea le Atua, ae na auina mai Lana agelu e fafaga iate ia (1 Kings 19:4-8).

Faavaivai i se aga, faatoa lagona ai e Elia le leo o le Atua ua tali i lana tatalo faatauana (1 Tup 19:9-18).

E tasi le tali sa vave ma ofoofogia. O le isi, e faafitu na tatalo, na auina mai lea o le timu na talosagaina.

Mulimuli ane, ina ua mavae aso e 40, o se tali tautala ma faamalosiā. E silafia e le Atua le auala ma le taimi e tali mai ai i o tatou tulaga taitasi.



HANA: O LE TALI E LE OO MAI LAVA

**“o le tama nei na ou tatalo atu ai; ua foai mai e Ieova ia te au le mea na ou faatoga atu ai ia te ia.”
(1 Samuel 1:27)**

O le tatalo a Hana mo sana tama e foliga mai o se tatalo na vave ona taliina e le Atua (ae iva masina na faatalitali ai ma le fiafia) (1 Samu. 1:9-20).



Peita'i, pe a tatou faitauina fuaiupu i luga ae, tatou te matauina ai na umi lava se taimi faatoa taunuu mai ai le tali (1 Samu. 1:1-8).


O Penina, le isi avā a Elekana, sa i ai lana “fanau”—o lona uiga, e sili atu ma le tasi ona atalii—ma sa ia faatiga ia Hana “i lea tausaga ma lea tausaga” auā e le'i foa'iina mai e le Atua ni fanau mo ia.

Mai lenei vaaiga, e fia tausaga na faaalu e Hana e tatalo ai mo sana tama e aunoa ma le mauaina o se tali?

O nisi taimi, o le filemu o le Atua e ono mafua ona o le manatu faapito (Iako 4:3); o se agasala o loo faapelepeleina (Sal 66:18); leai se faatuatua (Iako 1:6); pe, faigofie lava, e le o le taimi sa'o. Po o le ā lava, silafia e le Atua le ata atoa ma le mea sili mo tatou (Iere 29:11). O le a tali mai pea o Ia, i Lona lava taimi ma Lana lava auala, i le tatalo e faia ma le faatuatua (1 Ioane 5:14-15).



FAATAITAIGA O
TATALO



IESU: LE ANOTUSI O LE TATALO

“O lenei, ia faapea outou ona tatalo, Lo matou Tamā e, o i le lagi, ia paia lou suafa.” (Mataio 6:9)



O le faia o tatalo uumi ma faigata ina ia faagaeetia ma vivii mai ai tagata faalogologo, e lē o le ituaiga tatalo lea na a’oa’o mai e Iesu ia i tatou (Mat 6:5-8).

E tatau ona faamaoni ma faigofie a tatou tatalo, i le gagana masani. O le tatalo o se vaega taua tele o o tatou olaga.



“Aoao e tatalo pupuu ma sa’o i le autū, ma ole atu mo le mea tonu e te mana’omia. A’oa’o e tatalo leotele i le mea e na’o le Atua e mafai ona fa’afofoga i ai. Aua le faia ni tatalo fa’atagā fai, ae ia faia ni talosaga fa’amaoni ma lagona, ma fa’aalia ai le fia’ai o le agaga mo le Areto o le Ola.” (E.G.W. “O Lo Tatou Vala’au Mauualuga”, Me 4)





IESU: LE ANOTUSI O LE TATALO



O le faataitaiga lea o le tatalo na tuuina mai e Iesu:

“Lo matou Tama e o i le lagi”

E manaomia ona tatou maitauina la tatou mafutaga ma le Tama o tagata ola uma

“Ia paia Lou suafa”

O le iloa o le paia o le Atua e tosina ai tatou ia te Ia I le ava ma le faaaloalo

“Ia oo mai Lou malo”

Tatou tulimata’i i le toe afio mai o Iesu

“Ia faia lou finagalo i le lalolagi e pei ona faia I le lagi”

Tatou talia le paia silisiliese ma tatalo ia faia le finagalo o le Atua i o tatou oloaga ma le lalolagi

“Ia e foai mai ia te i matou i le aso nei a matou mea e ai e tatau ma le aso”

Tatalo mo mea tatou te manaomia, o mea faaletino ma mea faaleagaga

“Ia e faamagalo ia te i matou i a matou agasala; e pei o i matou foi ona matou faamagaloina atu i e ua agaleaga mai ia te i matou

Manaomia ona tatou salamo, saili le faamagaloga, ma faamagalo e faatiga mai, e pei lava ona faamagalo tatou e le Atua

“Aua foi e te taitaiina i matou i le tofotofoga; a ia e laveai ia i matou ai le leaga.”

Tatalo mo le puipuiga ma ia malutia mai le leaga o loo i ai i le lalolagi

“Aua e ou le malo, ma le mana, atoa ma le viiga, e faavavau lava, Amene.

Ia tatou ta’utino atu o tatou uma, o mea o ia i tatou, ma mea tatou te faia e ā le Atua ia. Na o Ia lava e tatau ona viia ma fa’afetaia.

TANIELU: O LE FAUSAGA O LE TATALO

“Ona ou faasaga lea i le Alii le Atua e saili i le tatalo, ma le faatoga, ma le anapogi, ma le ie talatala, ma le lefulefu.”
(Tanielu 9:3)

O le tatalo o lo’o tusia i le Tanielu 9:4-19 o lo’o fa’aalia mai ai ia i tatou vaega autū e fa o le tatalo:

Viiga (Tan. 9:4)

Faatoga
(Tan. 9:16-19)

Faaali ma le
faamagalo
(Tan. 9:5-15)


Faafetai
(Fil. 4:6)



Na faalavelaveina Tanielu e Kaperielu a’o le’i mae’a lana tatalo (faafetai).

E fa’atatau lenei faatulagana i a tatou tatalo tumaoti ma tatalo faitele. E manino lava, o le "ta’uta’u atu ma le fa’amagaloga" e tatau ona faavae i le anotusi o le tatalo.

O lenei fausaga e fesoasoani e taula’i atu ai le tatalo i le Atua, ma aua ai le avea ma se “lisi o faatauga” mai le faleteuoloa paia.





FESILI E FA E
FAATATAU I LE
TATALO

Aisea e tatalo ai pea ua silafia e le Atua mea uma?

E siitia i tatou e le tatalo i le nofoāli'i o le Atua ma uunaia tatou e iloilo i tatou lava ma mafaufau i la tatou mafutaga ma la i aso uma.

Pe lē iloa se upu e fai atu, e fesoasoani mai le Agaga Paia iā i tatou (Roma 8:26).



Aisea e tatalo ai o loo sologa lelei mea uma?

O agelu e le'i agasala e tapua'i pea i le Atua. E lē sili atu ea la ona tatau ona tatou faia faapea?

O le manatu e faapea tatou te lē mana'omia le Atua ona o loo lelei mea uma mo i tatou, o le faamaualuga lea.



O ai e tatau ona ma tatalo?

Faalagolago i le taimi:

1. Nofoaga nao oe. E sili ai ona valatalata tatou tatalo.
2. Ma aiga poo vaega laiti.
3. Totonu o le lotu.



Faapefea ona ou faalogo?

O le auala sili ona manino ma saogalemu e fai ai, o le tuufaatasia lea o le tatalo ma le suesueina o le Tusi Paia, o se tapuaiga, ia foia ai le faagaogaoina o le mafaufau pe na o le faalogologo ia oe lava.



“O le lagona loloto o lo tatou mana‘oga ma le naunau tele mo mea tatou te ole atu ai e tatau ona fa‘aalia ai a tatou tatalo, a leai o le a lē fa‘afogaina mai. Ae aua ne‘i o tatou vaivai ma taofia a tatou talosaga ona e le‘i vave ona maua le tali. “ua taufaoa ai le malo o le lagi, o loo ua avea faamalosi foi e i latou o taufao.” (Mataio 11:12). O le sauā o lo‘o fa‘auigaina iinei o se fa‘amaoni paia, e pei ona fa‘aalia e Iakopo. E le tatau ona tatou taumafai e fa‘amalosi i tatou lava i se lagona malosia, ae ia tatou fa‘aauau pea ma le filemu, ma le fa‘amaoni, ia tatou tulei atu a tatou talosaga i le nofoāli‘i o le alofa tunoa. O la tatou galuega o le fa‘amaulaloina o tatou agaga i luma o le Atua, ma ta‘uta‘u atu a tatou agasala, ma le fa‘atuatua e faalatalata atu i le Atua.”